




Vesturbyggð og Tálknafjarðarhreppur hafa lagt mikinn metnaði í að byggja upp fjölbreytt og gott íþróttá- og tómstundastarf fyrir börn og unglinga í sveitarfélögunum. Á síðasta ári náðist samstarf við Fimleikafélagið Gerplu um fimleikanámskeið sem haldið var í vor. Eftir að íþróttafulltrúi HHF tók til starfa fluttist verkefnið yfir til héraðssambandsins sem stóð fyrir öðru námskeiði síðla sumars.

Mikilvægt er að börn og unglingar fái að þroska ólíka hæfileika sína og leggja stund á fjölbreytt tómstundastarf. Tónlistarskólar eru sem fyrr reknir í báðum sveitarfélögunum, í ágúst var danssmíðja haldin í samstarfi við Djazzballettskóla Báru og verður kannað hvort áhugi er hjá íbúum um framhald þess.

Nú hafa sveitarfélögin gert samkomulag við Myndlistarskóla Mosfellsbæjar um kennslu í sjónlistum fyrir bæði börn og fullorðna. Listnám örvar og þroskar einstaklinga á þann hátt sem aðrar greinar geta ekki gert og er því sannarlega velkomin viðbót í vetrarstarfið. Ef vel tekst til er þetta fyrsti vísir að stofnun list- og tómstundaskóla sveitarfélaganna. Það er því einlæg von okkar að íbúar taki vel á móti þessu nýja tækifæri.



MYNDLISTAR- NÁMSKEIÐ

Haust 2015

“Logic will get you from A to B. Imagination will take you everywhere.”

–Albert Einstein

„Maður malar með heilanum. Ekki með höndunum.“

–Michelangelo



Fyrir hvern

Myndlistarnám er þroskandi fyrir börn og unglinga. Það þjálfar bæði hug og hönd og kemur að góðu gagni á mörgum sviðum, bæði í skóla og í daglegu lífi. Það þjálfar einbeitingu, athygli og smekk, örvar ímyndunaraflíð og opnar augun fyrir umhverfinu.

Námskeiðin verða kennd í lotum, tvær helgar í nóvember og tvær helgar eftir áramót, ef næg þáttaka fæst.

Skipt verður í fjóra aldurshópa á námskeiðunum. Boðið er upp á 10% systkinaafslátt.

Athugið að skráningar miðast við mest 8 manns í hverjum hópi.

Hvert námskeið er ólíkt hinu fyrra en öll byggja á sömu grunnþáttum myndlistar. Því er hægt að taka námskeiðin í samfellu eða skrá sig á stakt námskeið.

Kennari er Ásdís Sigurpórsdóttir skólastjóri Myndlistarskóla Mosfellsbæjar.

Námskeiðin í haust

Teikning, litafræði og myndbygging, grunnþættir myndlistar eru viðfangsefni haust- og vorannar sem tekist verður á við í fjölbreyttum verkefnum með mismunandi tækni.

6.-8. nóvember Patreksfjörður

Á fyrsta námskeiðinu verður viðfangsefnið teikning, litafræði og myndbygging.

Námskeiðið fer fram í Patreksskóla (matsal).

20.-22. nóvember Tálknafjörður

Á seinna námskeiðinu verða unnir skulptúrar úr pappamassa, pappa og ýmsu tilfallandi í barnahópunum en meiri áhersla á tvívið verk í hópi fulloröðinna.

Námskeiðið fer fram í Grunnskóla Tálknafjarðar.

Yngri hópur 6-8 ára (6 kst.) kr. 6.000

Föstudag kl. 15:30-17:00.

Laugardag og sunnudag kl. 10:30-12:00.

Eldri hópur 9-11 ára (6 kst.) kr. 6.000

Föstudag kl. 13:30-15:00.

Laugardag og sunnudag kl. 13:00-14:30.

Unglingahópur 12-15 ára (9 kst.) kr. 8.000

Föstudag kl. 17:45-20:00.

Laugardag og sunnudag kl. 15:30-17:15.

Fullorðinshópur 16 ára og eldri (6 kst.)

Laugardag og sunnudag kl. 18:00-20:15.

kr. 6.000. Athugið að sum stéttarfélög styrkja tómtundanámskeið.

Námskeið vorannar verða í mars/apríl og nánar auglýst síðar.

Um kennarann



Ásdís Sigurpórsdóttir er stofnandi Myndlistarskóla Mosfellsbæjar og var lengi vel eini kennari hans. Hún hefur umsjón með rekstri skólans og kennir auk þess barna- og unglingahópum. Hún útskrifaðist frá grafíkdeild Myndlista- og handiðaskóla Íslands 1980. Stundaði síðan framhaldsnám (post-graduate studies) við Ontario College of Art í Toronto veturinn 1994-95 og lauk þaðan prófi í listmálun. Hún lauk prófi í uppeldis- og kennslufræðum frá Kennaraháskóla Íslands 1995. Hún hefur kennt myndlist í rúmlega 20 ár.

Skráningar

Vinsamlega sendið tölvupóst til elsa@vesturbyggd.is eða skilið inn skráningarformi sem nálgast má á heimasíðum sveitarfélaganna eða á skrifstofu Félagsþjónustu Vestur-Barðastrandarsýslu/Skrifstofu Tálknafjarðarhrepps. Ekki verður tekið við skráningum í gegnum síma. **Greiðsluseðlar verða sendir út að námskeiðum loknum.**